



SAVEZ SAMOSTALNIH SINDIKATA
BOSNE I HERCEGOVINE

CONFEDERATION OF INDEPENDENT TRADE
UNIONS OF BOSNIA AND HERZEGOVINA

Obala Kulina bana 1, 71000 Sarajevo, Bosna i Hercegovina
Tel: +387 33 20 20 29; tel/fax: +387 33 22 61 71, 44 23 21;
E-mail: sssbih@sssbih.com, Web-site: www.sssbih.com

Broj: 01-I-14/18
Sarajevo, 10. januar 2018. godine

Glavni odbor Saveza samostalnih sindikata Bosne i Hercegovine je na svojoj 11. redovnoj sjednici, održanoj 09. januara 2018. godine, između ostalog, razmatrao Prijedlog zakona o penzijskom i invalidskom osiguranju, te je, u vezi s tim, usvojio sljedeće

ZAKLJUČKE:

1. Nakon dugotrajne i iscrpne analize Prijedloga zakona o penzijskom i invalidskom osiguranju u svim granskim sindikatima – članicama Saveza samostalnih sindikata BiH, Glavni odbor SSSBiH na osnovu jednoglasnog stava svih članica SSSBiH smatra potpuno neprihvatljivim prijedlog teksta pomenutog zakona.
2. Zahtijeva se od premijera Vlade Federacije BiH da Prijedlog zakona o penzijskom i invalidskom osiguranju povuče iz parlamentarne procedure i vrati u javnu raspravu, kako bi se ugradili amandmani SSSBiH, a od predsjedavajućeg Predstavničkog doma Parlamenta FBiH da isti povuče sa dnevnog reda naredne sjednice.
3. Glavni odbor SSSBiH prihvata amandmane koje je sačinila Pravna služba Saveza samostalnih sindikata BiH.
4. Uputiti pismo svim političkim strankama u kojem će SSSBiH tražiti povlačenje Prijedloga zakona o penzijskom i invalidskom osiguranju, kako bi sva tri socijalna partnera (SSSBiH, Vlada Federacije BiH i Udruženje poslodavaca FBiH) još jednom pokušali putem socijalnog dijaloga razmotriti pomenuti zakon i amandmane SSSBiH, te doći do najpovoljnijeg rješenja za sve strane.
5. Izraditi letak sa amandmanima koje je sačinila Pravna služba SSSBiH koji će se distribuirati granskim sindikatima – članicama SSSBiH, a granski sindikati dalje svojim sindikalnim podružnicama kako bi se radnicima i radnicama ukazalo na odredbe Prijedloga zakona o penzijskom i invalidskom osiguranju koje su nepovoljne za buduće penzionere.
6. Što prije organizovati Press konferenciju na kojoj će prisustvovati svi članovi Predsjedništva Glavnog odbora SSSBiH, kao i plan održavanja Press konferencija po kantonalnim odborima Saveza samostalnih sindikata BiH.
7. Ukoliko, ne dođe do realizacije gore navedenog, Savez samostalnih sindikata BiH i njegove članice će organizovati Protest Saveza samostalnih sindikata BiH.
8. Glavni odbor SSSBiH sve aktivnosti u slučaju organizovanja Protesta prenosi na Predsjedništvo GO SSSBiH.



PREDSEDNIK
Dr. Ismet Bajramović